

摛

高

遺

文

猶膏遺文下卷

瑞安孫詒讓著

邑後學陳

準存輯

書

與泚生書

泚生先生大人有道客夏奉誦況畢并張編修墨子
經解一冊當即肅貢寸楮藉申謝悃亮已徹清覽比
維耆年著述攝衛康愉定符頌肌讓殿門雖書一是
平善惟近來時局日非未知所屆自愧迂譎無益時
需所綴緝各書寫定數種均未敢出以問世亦以新
學日孳周經漢注殆求高閣蠟車覆甌亦任之而已

聞鶴亭述大箸筆記極精博深寧潛邱足與抗席倘
已梓成乞惠賜一讀幸甚茲奉上敝刻永嘉叢書六
十冊易簡方一冊拙箸周書斟補一冊藉求大教敬
乞檢存疏陋不足博一笑也匆匆奉敏箸安不測

與遂某書

遂某先生侍史前日奉誦况畢敬審擘治冊書精詣
連絕欽佩無似承詢各條第於小學才涉門徑未窺
宦界無足叩答尊問姑就管見所及畧爲執事陳其
一二鄉書文字兼備古文大小篆至於說解則以隸
寫既云隸書便與篆文迥異是以熹平石經一代鉅
典事關經藝尤不容不講字體然中郎所書石經殘
字並不用篆變隸斯知二體既分涂吟理難合一故
近代經學大師說經正字雖多根據說文鐵砭俗寫
然亦不過去泰去甚未能取隸體一一依篆勢刊正

之也若欲盡以篆繩隸則其聲不能無扞格如爲與
等字若必逡篆文則不能成波磔必如益后之以○
代日以而代天書之既苦不易觀之亦復不類斯亦
必窮之道也故弟竊謂郵書篆文當一一認正說解
則不妨用隸變及通借之字其有譌俗過甚者段君
悉已刊定此外無事再校徒滋煩擾未知卓見以爲
何如至於六書指事象形諧聲會意爲體轉注段借
爲用或東原已嘗論之矣今誦來書知精到之詣自
然冥合也金部劉篆自是套文劉錡尚前漢高祖時
已有剛卯之制知卯金之說不始於東京也韓書起
在哀平

之曰志非羸程但三象或从衣或从人制字本意未可
喻之然亦以古文自有同我而形互異者似是隨事
標識不必別有深意不審精識別有妙解否茲因爲
先慈營葬事忙遽殊甚燈下小暇率意奉復是否有
當仍求理董幸勿因其狂陋遂置之不議也朔風多
厲諸希倍萬珍攝不盡所懷

與趁齋書

趁齋先生有道前月肅貢寸楮定登籤掌辰維著福
滂蕃允符心祝通來邊事益亟倍京款議忽有翻反
北里與慮曷勝扼擊前賜金文五十種近寫定釋文
一冊大半用舊釋畧就堯見改定一二有數種前未
箸錄者如乙亥鼎及猶鐘之類尚有闕字敬祈案定
理董邵鍾內有櫛字即縣之異文从木者與梟鼎同
字例合項校櫛妃奩得之似尚可信但細案尊弃二
器此字似有誤剔之筆未窠台惜以爲何如石印之
議能否即行義例何似或略采張氏金石契例附載

近人題跋亦足荀攸證惟詩則似可不錄耳肅此恭
敏道安伏希荃鑒不悞

與江蘇教育總會書

江蘇教育總會諸公台鑒讓前承季直先生頒示貴學會程規籌畫之精詳規撫之闕廣信尼綱維學界躋揭士林無任欽佩之至敝省邇來亦開學會於杭而東西畛洳意見紛紜省垣諸賢又復自樹兩幟近又大興論難莫衷一是貴會所稔聞也溫處僻居海濱向以樸儻不足齒於東西諸名郡更化以來亦復自爲風氣蓋地勢使然國家厚澤深仁無此政體而荆棘搓折亦復成何世界言之堪爲痛哭第忝附諸公之後義無坐視而以人敝言輕不足以挽此危局謹將

大略情形陳之左右應如何辦理之處敬候示復老
眼昏眇不及莊楷伏希涵恕恭啟道安不悞

與曲園書

曲園年伯大人尊前月初接舍親葉中銑來函并奉到鈞諭復荷賜書集賢景完碑搨帖泉新刻大署詩冊各種印見鴻筆道章似豪不經意而精妙自能超轡昔賢信爲大壽考之徵至於不棄耄昧所以開誨之者至爲深切再三欽繹感喩尤勿諼也姪年來衰羸無似向力目力均不逮前箸述之興久已廢輟前見埃及古篆形字奇詭不易辨竊意倉沮舊文象形字亦必如是惜爲籀斯改易多失其原形前年得見河南湯陰新出龜甲文數千名內有象形字十餘果

與埃及相類而苦無釋文不易讀偶以意推索依上
下文誼尋繹畧通一二廼益以全文新考定諸字爲
名原二卷覲以求倉後籀前文字變易之迹彙草粗
具尚未寫清本新學盛行此事恐爲時賢姍笑不敢
出以示人頃誦大著題埃及拓墨詩有感於衷謹附
陳之容當遂寫奉求鈞誨也肅此奉謝恭敏道安不

錫

復某書

昨奉環章備聆槩訓揭敬鄉之崇誼爲探本之遠圖
循誦再三其名欽佩詒讓先嚴前在江鄂有永嘉叢
書之刻又嘗撫梨洲謝山之遺爲永嘉諸儒學案家
叔亦嘗以水心習學記言校刊於珂里皆欲播先哲
之傳旨導後進以循軌而僻處海濱久沿俗學雖徑
涂之畧備終津逮之靡聞良足慨也伏惟明公學爲
士表才應時需必能惠此海邦示之郵緘翹瞻光霽
曷任欽遲至近日算學書院之規則以淑鄉燕陋時
事艱難莫推強學之規畧究幾何之術重差夕桀雖

小學之緒餘八綫借根實西藝之原本故別闢精廬
斥為講肄祛其蒙固道之康莊茲謹擬條章畧等經
費辱承台諭許以不謬僅荷惠頒廉泉成斯叔舉亦
大賢嘉惠多士之盛心也承詢詒讓所擬與儒之議
則以銜恤餘生抗擊時局竊謂景教流行燎原莫過
以耶穌基督之誣誕新約舊約之鄙淺而鄉曲僕子
崇信譁然非有悅服之誠實藉富彊之助輸泉帛而
潤以脂膏集兵力以廣其保護以牛馬維婁之計為
蛇豕為食之圖而中華儒者猶復紳佩而談詩書雍
容而講禮讓非徒淹中緝簡無裨於魯削竊恐詭瓜

驪市重觀大秦坑慨幕燕之忘危怖邱貉之同盡與
念及此可爲痛心故不揣樗昧輒有敷陳將以廣甄
十八行省之魁材厚集四萬萬人之羣力祛簡絲數
米之爲破膠柱缺舟之見激其壯志闕此遠模闡周
孔六藝之教以遠播蠻荒儲種蠱九術之謀以大雪
讐恥測蠱窺管聊罄竭於恂霧擁葦清道冀延佇於
洪哲而造端廣遠陳議疏狂既類河漢之無涯亦恐
嵩壤之靡補端緒粗具稿草未竟容付寫官續求鈞
誨又垂詢禮疏叢載校挈妄思綴緝削稿盈尺寫定
無期重以今學之日新竊恐此道之將廢蚩壤同論

伯松騰請於元亭芻狗已陳濠吏獻囑於魯叟聊自
珍於享帚尚未逮於錫棊辱荷齒芬彌增顏汗茲附
鴻郵肅脩魚簡附奉祿學書院捐冊一本畧陳蕪悃
敬候德音恭請崇安伏維答鑒

與某君書

口口先生有道楮敬疏間殆近十稔遐睇滄波深用
悵惘頃忽誦手畢并示大著新方言忤荷無量禹域
大勢至是可為痛哭曲園文亦悲宿草弟索居勉惟
無復緝述之興禮跡鐫板數載近始印成謹以一部
奉政脫誤甚多未遑校改也博桑古籍間出近見島
田氏所刊皇仇喪服小記疏信為奇冊此外倘有所
得敬祈惠示其目以存古佚及訪古誌所著錄者則
多已見之矣敬頌努力加餐神馳無已

大著畧讀數條精審絕倫容再細讀尋繹或有贖誼

當續錄奉質弟桑榆莫景意思蕭滅面力大減不耐
深沉之思近唯以學翫古文大篆自遣頗憤外人著
文明史者謂中國象形文已滅絕頃從金文龜甲文

丹徒劉氏撰冊復十餘名皆塙實可信者附以金文奇字爲

名原七篇竝寫定當寄質大雅如壽弁字說文作纒
周官作緇近於金文得其正字迺作裁而薛書齊侯

鐘又作裁字詩爲壽始知壽色韋當作裁壽色絲當

作裁古谷有正字纒緇皆尚非本字也又韓侯伯宸

鼎有統宵今定爲皋比正字統爲攷甲虎皮樂記統

宵即甲宵也又說文曼字說解引揚子雲說頗嫌皮

傳今從金文得鞮鞻兩文迺悟古文作曼其從因者
中又全文恆見迺古文俎字且開豨取索俎之誼楊
許從空皆誤又黃帝妃名象祖竊意當作嬾後世史
籍誤分爲二字此雖近卮然亦四十年未聞之論也
舊學淪廢無可就正謹畧陳一二以當面質想不哂
其迂疏也

翫書中大著新方言一語知此書當是與章太炎
先生頤云與某君書及首行先生上空二字避黨
禍之嫌也 楊紹康識

與次饒書

次饒仁兄大人閣下前月奉誦惠札敬審纂祉綏愉
允符卍頌承詢南潯公學一節僅見日報有此告白
未知規條如何刻南洋公學又招攷東文生此學為
盛京卿主持開辦理甚好前敝里人赴考者甚多均
能入選似持論尚不甚高大約普通蒙學之中兼及
專門之學隨其淺深博采兼收貴友如要投攷下次
輪船到埠須早動身為妙敝里刻亦議開學堂而苦
乏賢弟更歷事變萬事灰心媿未能力贊其成也貴
邑學堂和卿兄不審如何籌商恐林太尊未必慨允

撥費則亦仍是畫餅耳更法雖已見諭旨而舉辦仍
未見踴躍中國通患如是真不瘳之痼疾也如何如
何切切奉復敬賀著安不悞

與次饒書

次饒仁兄大人閣下前日奉誦惠簡敬審台履萬福
至以為慰承詢敝里蒙學程規前陳少文兄來瑞曾
鈔一通攜歸請就近函詢大致以教里中子弟識字
并以淺近算學西藝體質諸學導之涂徑無甚高論
也至縣學堂亦已議定開辦洋文教習業已訂定漢
文教習兩位算學教習一位則均就本地延聘因脩
金太敷未敢遠聘宿學也蒙學經費出於捐辦而益
以神廟衆款每處約每年需二百五十元脩金月六
元至二元不等縣學堂則撥賓興款之半

以半何歸
科舉川費

及學計館公款再加庫串價四文約需每年二千五百元脩金則兼學中文西文者廿元專治中文者十二元現尚有嫌其太多者恐須略減而蒙學生每處三十名縣學堂生以五十名為額兼學中西文者約三十名餘則專治中學自十五歲以上至三十歲均可入堂但求文理清通中文不甚通者止准入蒙學不准入縣學堂以免徒勞不論有無功名功課則以經史掌故西政西藝輿地算學七門為大綱每日由教習講解一二段自鈔撮作札記七日作策論一篇洋文則西文教習講授言語文字并及體操於中西門徑約略賅備但能否切

實奉行尚無把握蓋西國教習均由師範學堂出身
故胸有成竹敝邑教習均初次試辦成效殊未可必
耳章程廿餘條文繁不及抄奉容續圖之鄙意貴邑
邇來風氣大開似當急辦縣學堂以公言之則開智
自強保種保教之大計以私言之則學堂既有出身
并據年畢業則與科舉等倘遲辦一二年則升府學
省學必遲一科是猶無故停科自阻其登進之路亦
殊不合算和卿仲漁諸君均負一鄉清望且聞貴里
賓興款極充足提撥數成便可集事何不一籌之乎
弟頃苦小極又以籌議學堂眾謗羣疑紛然四集縣

冗萬狀故稽爾復刻適小間草草奏陳一二未及縷
陳也敬頌纂安

與次饒書

次饒仁兄大人閣下伴來奉誦惠示敬悉壹是拍拉
買敝堂所存無多現甲班學生雖已讀完而乙班尚
須溫習頃詢之周幼仙說有新本五冊已奉呈倘不
敷須寄中添購為妙虞初洋款至今未收到逸仲說
另有函奉復茲不贅陳敝堂開辦數月西文甚有進
步中文卻未有把握改良之說亦未可必大抵敝里
氣習虛憍求高之意多切實研究之心少此中病根
真不易治前悟調甫盛述貴鄉諸君辦事之專一與
諸生之肯悅心相從均不易得將來進境必在敝里

之上可預券也近永友與到日本就師範速成學堂肄業之舉半年卒業效速而費少貴鄉諸君不察有撫辭而興者否後坵兄聞少有不適近已康復否念念匆匆奉復即頌箸安

與次饒書

次饒仁兄大人閣下前兩誦惠畢敬審籌祺萬福允
協頌忱敝處學堂事永借籌妥籌已遵照辦理惟師
範生以經費支絀未能急派幸有中丞派員之舉可
稍達此瞻望惟名數太溢考試又太懸暗中摸索恐
未必盡如人意耳敝處已送四十餘名貴里亮必不
少聞太尊有全送之說令弟及黃陳諸生想必不至
見遺觀察病小瘡尚在假中前令弟所屬一節鄙意
似可不必益府中即有刪簡亦必不多似不必轉求
觀察說項至省中甄取則毫無措手之處只好聽之

身尊意以爲何如敝處同人甚望台從臨此主持學
務倘可惠然當以總教習一席奉聘不審何如便中
示復幸甚幸甚臘鼓鼕鼕匆遽肅復恭叩年禧不戢
承詢敝邑學堂事客冬以來謗議紛起原因有二一
因科舉迂腐之士本不意學堂借此傾軋二因西文
生要畱西文教習不得而愠愠者并集遂有此譁聒
幸開堂以後舍長林養素獅辦理認真尚足自立學
生亦漸多此與尊記著重
舍長一語不合浮議雖未盡息卻無能爲
也知注附聞

與次饒書

次饒仁兄大人閣下前日奉誦尊諭敬審盛懷若谷力任學務而不欲居其名欽佩無似弟前日到郡與同人商議均備悉吾兄若衷惟此局爲兩郡教育總會非得學品如閣下不足以副眾望且現當議辦之時需請教之事甚多同人盼望甚切非徒弟佇聞闕論也茲特專足敦請務祈早日惠臨妥商一切萬勿吝玉爲感至前議副總理一節當敬體謙德另易一位置無庸固辭也手此奉懇即盼口音敬叩台安不備

與次饒書

次饒仁兄大人閣下前日奉致寸楮亮已達覽楊祝
學頃由澈邑西鄉歸決計先由台回省而商永案不
復到貴里矣明年府中學聞錫眷臣不認籌款則無
可措手不審尊意何如澈處中學頃集議初擬停辦
而窒碍甚多只得蟬聯接辦惟議大加改良倘明年
府中學局面有更動則擬聘洪蕙林到瑞任監督兼
授教課因府學尚無定局不使向商謹先以質之否
先倘府學堂仍留渠接課則不必議或屬渠代訪一
二佳教員亦可是否可行敬祈酌示師範胡沈兩教

員昨因小事與祝羣衝突頃已屬校梅急往調停其
原因亦因劉洪反對而起明年師範教員必須另聘
望台从回堂時過舍面商爲盼先此奉商恭叩大安

與次饒書

次饒仁兄大人閣下弟回舍以來連日爲楊視學及鐵路任款事紛擾萬分楊廿九日至永鄉蒲洲學堂被梅黨沿途攔辱并將陪往之夏莘如攔回勒令簽

字

附該黨誤謂宏軒陪往故有野蠻舉動

楊及弟皆有專函達道府縣

而毫無舉動楊已電提學司聞有派人來查辦之說楊議敝邑城鄉查畢即回省不查貴縣矣

另有要事容而陳

鐵路事英商極借千八百萬外部允而湘蘇士民力拒恐無效果近議全省十一府擔任全路股金二千五百萬

優先在外

昨兩得滬電杭嘉湖寧紹已任二千萬

餘六府須任五百萬湓不能空言塘塞頃商之王獻
牧項申甫兩君前日已電滬因初五大會議也姑勉
任五十萬以十年分繳頃又提電款必須五年然數既
太少而已茫無把握不得不求助於六屬同人容另
不審貴邑諸君能為一籌否專此奉聞即頌台安

與眷臣太公祖書

眷臣太公祖大人閣下昨肅復寸楮附繳尊定電稿
亮已達閱覽茲有應者頃接樂清學堂監督洪濟林
來函說該縣程令日內有可到有刑書馮乃眷者向
來辦公勤慎刻願報効師範學堂經費長年四百元
求派該縣大荆倉房至倉谷倘有缺少洪濟林願爲
具結擔保竊查洪濟林向係公正家道亦尚殷實樂
清倉房公事簡易似不甚關重大該監督所保馮乃
眷當可勝任該書報効師範學堂經費亦尚爲急公
擬求太公祖大人俯念師範學堂款項奇絀可否於

程令參謁時惠准栽培屬以馮乃春充大荆倉房俾
得遂其報効之忱則感琢無旣矣瑣瀆尊嚴无任惶
媿之至肅叩恭敏台安伏維答鑒不宣

祭文

奉謝知閣 佃孫編修 希且 兩先生神主崇祀學
淵書院祭文

蓋聞 晉宗崇祀 報樂祖教胄之功 通德名鄉 衍禮堂
傳經之緒 况復 梓桑脩敬 蘭芷育才 鄉先生之配社
恭繹前聞 里後學之嚮風 永光來葉 幸觀盛禮 敬誦
清芬 伏惟 先儒謝公 孫公道學 淵源儒林 領袖程門
講業抗顏 周許之倫 載禮研經 折衷鄭王之學 鄉儀
舊德 戶誦傳書 未崇秩祀 之文 曷副 觀摩之望 茲於
東鄉二十五都 澄江新建書院 畧曰學淵 擴鱣堂之

別構修鹿洞之舊章丹旆告成弦誦斯盛僉謂甄放
廣學既闕茅絕之規述古敬鄉宜潔椒漿之薦茲擇
於本月二十五日虔奉神主肅祀講舍杖履一堂辦
香千古纓綬咸集俎豆維馨經神學海敬邀先達之
靈化雨春風庶贊右文之治某等忝同里閭風景表
儀浮滄升岳徒慚抗希之無從媵解俯竊幸仰瞻
之如在伏冀神歸華表化溥雍壘學統長綿德風遠扇
南金束箭應資陶鑄於羣材丹荔黃蕉永薦苾芬於
百世神其昭格鑒此微忱

祭林左髓文

嗚呼痛哉桂以芬折膏用明煎傷我國士竟危咸年
俯遂忽蹶元著空傳永念但化能無滋然緊維林君
族望崇劬壇媽祖德恭承庭誥棣萼韡華竹林清妙
維君白眉軼塵騰趨幼挺開敏俠並儒文敏學淹蘊
敷藻紛綸清標玉照遊契蘭紉慧心朗解卓爾不羣
初加元服允始膠庠禮殿茅絕雍穎芹芳羽儀藝苑
玉質金相文譽遊暢颯振雲翔擔簦從師殫斫天算
方冪圓弧四元八綫覃思絕學昕夕忘倦洞微繩幽
精詣獨擅惟我中華運鍾九危白族憑陵教蘊政忒

君抗鴻儀鐵肯發墨芭秦戒亡聞者心惻爰在妙年
奮蹠遠遊聖湖講藝滬噴勾雷公學授簡譯社贊奇
經世大業邀馬寡倚激屬雄心海帆東指搏桑輪因
櫻花旖旎徐枋仙鄉延攬奇士永懷物競期滄國恥
巖譯精通斐然卷軸伊公波文空海箸錄載緝奇齋
導微寄學敢告象胥輜軒先覺羅剎渝盟義軍投袂
羣愚騰謗簧言蜩沸君任其難不羈厥氣翩然邁歸
雄圖再屬登壇演說民愚是牖熱血滿懷瀾翻在口
奴警少儒或駭而走亦有蚩氓感憤頰首方冀永年
玉晉無量搏我羣力相期尊攘神州種族國粹攸養

極此淪胥文明大壑胡圖科舉累君闕抱浙江吳山
秋風遠道鉢腎高文嘔心麗藻宿疾遽膺神簡形槁
淹忽旬日倏爾彌留妖讖載告靈藥無瘳海上雲愁
聲淒虞殞旅櫬歸來上有賢母下無藐孩葭莩屑涕
粉社紱哀空留壯志厯起不友嚴晨霜淒寒曦晷促
攀念前塵光儀弗覿喪茲國能百身莫贖吁嗟昊蒼
云胡不淑蠲陳荏荔爲君招魂孰措危局孰障狂瀾
敬備高義用激懦頑匪爲私恻恻此時艱崇論在耳
遺書在室義景不留牙絃遽絕同志寂寥茹酸永訣
誅德寫哀侑此嘉粟嗚呼痛哉尚享

雜著

瑞安縣志局總例六條

纂緝例 郡縣志雖爲輿地專家而其爲書實兼正
史志表傳三者之體至於綜萃文獻則義通乎傳記
割緝掌故則例涉乎政書條目宏博纂緝至難唐宋
以來久無達例總其大較必以體裁淵雅援證詳博
爲宗本色元明舊志率多淪佚無從訪覲今所見乾
隆嘉慶兩志修例既多未允協而攷辨疏略舛漏尤
不可枚舉茲議開局重修應先就兩舊志審其義例
門目之當否斟酌更定擇其與各史及唐宋元明古

籍相關涉者逐條攷校補闕訂訛以臻翔實其嘉慶
以後事跡則竢采訪略有端緒再行逐類增續大抵
樹例綴文必以唐宋古志及近代通人所論著為矩
臬以正史及先哲傳書金石遺文為根據多立圖表
以理紛錯之端多附小注以廣異同之辨攷證必究
其本原以懲剽竊稗販之弊紀錄必詳其出處以杜
憑虛撰造之嫌不敢因循俗陋致類鈔謄官簿至於
舊志藝文一門首例經籍碑碣寥寥數葉僅存凡目
不足攷覽而所錄詩文則連篇累牘遂居全志十分
之三斯乃明以來地志家之陋習四庫總目及近儒

會稽章氏文史通義力斥其非體今既重事脩纂不
宜更相沿襲謹依宋朱長文撰吳郡圖經續記以詩
文別爲吳門總集之例刪除菽文一目經籍別爲專
門碑碣入之金石其餘詩文與志有關涉者分隸各

門

如序跋附經籍金石韻
詠附山川古岬之類

或篇幅過繁志內不能全

載及瑋文鴻筆有裨諷覽而無關攷證者別輯爲端

安集與志並行以爲徵文之助

別有纂輯義例尚未
寫定茲先揭其綱要

以實
同人

測繪例 凡攷證方輿以圖學爲最要近代地志往
往疏略不詳而顧崇飾名勝侈圖八景輕重倒置通

學所嗤本邑舊志亦蹈茲失此次重修首宜彌茲缺
點今議將明成化以前瑞安縣境順未以前泰及今縣所
轄全境分繪兩總圖以稽古今疆域之殊其城箱四
隅亦總繪一圖以辨街衢迂直之方十二鄉五十五
都分繪五十五圖以老宅土奠居之盛至於經流入
海之跡則以安固江及會昌河為最大籌邊守衛之
謨則以沿海營汛為尤要均宜分繪數圖以資攷覽
除古今縣境總圖應由總纂協纂考定沿海圖應考
水師營所存圖冊外其餘城鄉各圖議由局延請精
究測算專家周歷各鄉將村莊市鎮山形水道一一

測明方位斜直距離遠近計里開方分別精繪經緯之類亦一律詳載其水道湮廢者亦宜從地訪明繪入及近代地圖載黃河故道之例以黑白為識別用
簡考不可疏舛簡率徒費丹青其名區勝景已略略於各國之內無庸別繪專圖以祛蕪冗

校警例 校增之學主於精究蒼雅深通古書義例然此為校定經史及秦漢舊籍言耳若地志則義兼通俗不必遼微雅故卽有援引書冊亦多出唐宋以後無與衍錯互之文不過逐條勘對無脫卽爲允慝然有要義二端不可不講者曰一字不略過一字不輕改是也此次重脩邑志卷帙浩繁彙本寫定專恃

分校諸君相助檢閱以臻精備今議凡志蒙經總纂
協纂修定後由局發鈔完竣仍送交總纂協纂明分
別送請分校悉心警覈應將清本及原稟逐字對讀
遇有寫手脫誤卽應時補正不可止檢清本略觀大
意因其文義可通卽謂無復脫誤至於人名地名及
厯算計數之文官牘俗冗之語雖無關文義而一字
之訛輒成巨謬尤宜詳審檢勘其寫手誤書省別字
亦卽逐條改正字體正俗卽依通行字學辨庶他日
問無庸拘守說文致成駭俗庶他日
謄寫上板不致重勞訂閱倘原纂稿本尚有疑義或
前後抵牾及重複遺漏之處卽請分校籤明粘貼清

本簡端以資商榷內援證舊文如有錯互經分校
轉檢他書攷正者亦須逐條注明所據之書用使覆
檢至於經籍金石兩門間有原文零落不得不闕疑
者尤不可率臆填補轉成創痛

采訪例 地志網羅文獻事曅今古稽古則專重考
證諏今則尤資采訪此次脩志議區分訪專訪二項
如忠義孝友義行列女散處城鄉非一人耳目所能
周悉則由各鄉紳耆分任采訪并準其家族及戚友
等來局開報庶幾見聞較廣不致湮沒遺漏惟分任
采訪及來局開報之人務宜破除情面秉公查覈不

可徇私阿好略涉誇飾有乖公論其邑志舊本先哲遺書金石文字及古跡家墓等則由局延請諳習掌故見聞彈洽者一二人專司其事周歷各鄉分別尋索出門之日由局交與簿摺收條所到之處徧詢故家儒族案所訪條件逐事諮問遇有家藏書籍願借入局者卽給與收條摺入行篋其收藏珍秘不肯遠借者卽將書名卷數撰人姓名時代與書之鈔刻完缺前後有何攸跋記入冊簿他日由局酌量往錄其古跡家墓凡有所聞卽開入手摺查明年代地名與縣志同異再親自案地遊歷悉心察核以驗其虛實

遇有金石碑碣卽應時摹拓不及拓者卽節錄其行
款文字大畧并將所在處所詳悉注記以俟續拓大
抵出門來訪必以不畏勞不憚煩爲第一義昔皇甫
士安自云遣人而問少有寧日而歐陽永叔之敘集
古錄亦云窮崖絕谷荒林廢冢無不皆有斯二語者
願舉爲來訪諸君勗焉

檢查案牘例 舊志秩官兵職諸門所載昭代掌故
並以嘉慶己巳爲斷此次重脩例應廣續增補以資
鏡治理然此旣無書冊可考又非采訪所能悉惟有
檢查案牘逐條鈔錄以爲底本如文員遷調及減豁

田賦增廣額等事則縣署必有案可稽盜賊邊調及
裁兵增餉等事則協署必有案可稽鹽法更定則鹽
大使署必有案可稽茲議由局專請通究律案者分
赴各署悉心檢錄雖卷冊繁積應采撮精要刊節完
泛然有文義俚俗名數繁碎而實有關規制者即不
可任意刪除致成疏漏錄出之後仍將某署某年月
日某房案卷注於本條之下庶撰緝之時遇有歧迕
條件仍可檢取覆校其有年代久遠或卷宗遺失或
紙張微爛無可覈補者仍將所缺條目記入冊簿大
抵各署案牘往往自相重複或甲失而乙存或彼缺

而此備互爲鉤稽必可得其端緒竅錄完備再由

總纂協纂刪繁舉要以就體裁

別有檢査葉脂篇明條例程式尚未寫定

繕寫例

此次重脩邑志卷帙浩繁彙草屢易必須

隨時清繕以便校閱茲議由局多覲寫官擇其畧通
文義而楷法清整脫誤較少者訂定筆資逐便發繕
其來局繕寫之時應照所發彙本篇幅行款悉心精
錄至於表則斜上旁行注則條分件繫尤宜檢看審
訂庶無淆混仍不得信筆作省體俗所謂謔體偏旁
半旁字
錯別體以聖爲聖以俗體學則子上作文惡
誤爲爲之類字樣又

局中發到彙本應隨到隨鈔隨繳不可遞延如有事

故不暇寫者即仍將槩本繳回由局另行發鈔無得
任意畱滯致稽時日其每紙鈔寫脫誤不得逾十字
違者經分校校出發令重鈔仍扣筆資以示懲儆

瑞安縣志局採訪人物條例

一採訪忠義 史志列傳之以忠義爲專篇者所以昭揭臣節慰獎忠蓋自明以前正史及地志所載必純臣毅士奇節卓著者乃得列名斯傳故人數至少而義例極嚴我朝勸忠之典推廣無已凡遇兵警死事之人自臣僚以逮兵民凡有陳報無不予以優卹而各行省大吏又復設局採訪彙纂入告纂成專錄垂之不朽蓋較之前代例微寬而意尤篤矣志乘之體善善從長自宜恪遵令甲從寬甄錄本邑舊志忠義傳中所載於嘉慶以前略已詳備近數十年來自

平陽會匪倡亂繼以粵寇擾境一時官紳兵民劇守
陣亡及遇賊殉節者吏僕難數凡已經呈報者均已
載入浙江忠義錄然彼錄脩自省局大抵以公牘爲
憑或姓名謫互或時地遷易既不能無待於攷正而
兵燹甫定喘息未蘇遠鄉僻壤族姓衰微其未及呈報
者尤復不少此次脩志仍宜悉心採訪以資輔輯惟
人數較多非一人耳目所能周悉現議由局延請各
鄉公正紳耆分任其事仍準其本家親屬戚友及各
近地紳耆無論在局不在局者均可來局開報凡係
陣亡殉難

凡與賊相力竭被殺者是為殉難訪報者須分
述賊不屈被害者是為殉難訪報者須分

析開列不
可清混 確實不誣者不問前此曾否呈報一律詳

訪無任湮沒其有死事較烈如陣亡則奮勇先登殞
元授命殉難則抗辭不屈從容就義或生平學行昭
著及建有功績者一一開明以便纂成專傳其尋常
死事無事實可書者則可照本局刊發格式將名字
無字者住址及死事時地填寫大概無容強飾虛文
徒滋蕪冗至於庸夫懦弁枉罹鋒刃者不得濫登茲

錄

一採訪孝友義行 孝友義行者蓋周官大司徒鄉
三物六行之遺必踐履純篤眾論咸孚而後足副斯

自其詣較之忠義為尤難而躬行實踐之士大都區
影希聲不自表襮其得選旌表及由官給獎者十無
一二徒以里巷稱述略傳姓氏年代遷易旋歸湮沒
故其遺佚則較忠義為尤易此次修志亟宜精加搜
訪以表章潛德亦依採訪忠義例由各城鄉紳耆分
別博訪并準其本家親屬戚友等來局開報惟忠義
以死事為重不必有事實而後可登志牒孝義則必
以實行為憑凡採訪開報者務宜確查生平事蹟如
孝友則必有至情篤行無玷始終割服雖不合於禮然自是賢者之過
足以風厲薄俗義行則必有高誼俠節宏濟鄉里諸
亦一律登載

實事就所見聞詳細臚列以爲纂緝之要刪不得以
侍養虛文尋常善舉清表微闡幽之大例

一採訪列女 列女傳之作昉於劉子政區次十目
厥義至廣范蔚宗踵其例爲後漢書列女傳其自序
亦云搜次才行高秀不必專任一操則固非如後世
史志列女傳之專收節孝也此次脩志議略用劉范
三家舊例廣爲甄錄略區五類其妙擅文翰富有撰
述者謂之才媛遭遇強暴抗節不辱者謂之烈女烈
婦青年守志白首無玷者謂之節婦侍親奉姑性行
純至者謂之孝女孝婦未嫁守志從一不字者謂之

貞女凡此五者無不備載惟是才媛人數至少間有
一二亦必昭焯著名無俟搜訪至於烈女烈婦以下
四類則爲數既多加以散處城鄉非詳加採訪無從
周悉況本邑舊志列女一門所載以嘉慶以前爲斷
此後七十餘年其已奉旌者冊案存儲衙署既不能
無缺佚之患其未奉旌者年代既久湮沒必眾又他
人物傳之例必其人已故始得載入惟節孝則雖係
生存揆之年例應得旌表即可列於志牒與他傳義
例亦少有不同茲議亦仿採訪忠義考義例由各城
鄉紳耆及本家親友分別訪報除有奇節高行卓然

可傳者應將事實詳細開列外其餘無甚事蹟者可
即照本局刊發格式將姓氏烈女孝女貞女其名位
可考者亦并開列其
址及年歲開列蓋節孝事蹟大略相同且人數較多
勢不能各立專傳即臚列姓氏篇帙亦已不少故凡
訪報者總以簡明為貴不必多寫事實徒煩刊削也

以上三門其忠義列女二類本局刊有開報格
式存局并分給各城鄉採訪紳耆以為隨時填
寫之用其本家親屬及戚友等欲自行開報者
可到採訪各人處看明格式或徑行來局開報

其不識字者或來局向坐局紳董面
陳即由局中代為填寫均無不可至於孝友

義行以事蹟爲憑本無一定格式應由各訪報者任便開列又此三項人數繁多訪報雜出累手虛實是非本局無從懸測其採報到局時除登冊隨時覈查外仍按年終各處採報姓名逐都開列清單分送各本地宣貼并將某人採訪某人開報附注於下庶奇節高行昭揭人間既可以風厲頽俗而苟有慙德隱瑕必無逃於公論斯徇私阿好者將有瞻顧而不敢公肆其誣罔或亦別裁真偽之一道乎

徵訪溫州遺書約

管河問耆古縣金帛以購遺書子雲振奇齋油
素而窮方語析書誣僞姚方興尚進補中經瓠
史繆悠劉之遴猶校成定本沈夫九邱佚典圖
牒徵誦訓之咨百越先賢氏族重敬鄉之錄譜
橘枝之風土載諷瑰辭蚪竹箭於東南尋觀闕
著豈空任厥壇隄靡聞甄緝乎惟我溫州晉拓
東揚星分南戒山名石室蓋藏書之奧區地號
學周寶綴文之碩數赤兕之代肇闢荆榛全行
以降別開郡府朱育對濮陽之問陳古而悼貞

姬逸少縮永嘉之符下車而訪高士時雖英倚
聞出而鴻製未聞自劉宋之初元迄李唐之季
葉彳誦漸廣述造寢興焉貞注史援緝之郡記
之文劉昫修書錄彳覺禪宗之集亦越天水之
隆益振東嘉之學阿魯圖之進史傳儒林者六
人黃南雷之箸業區師承爲五跡葉陳瓌筆世
傳八面之鋒徐趙苦吟人誦四靈之句魁碩相
望剗緝彌縣元氏御宇撲學未衰勝國崇文鉅
編踵出圖志所書最目略具矣逮聖朝勃興尤
盛經術而岐海僻遠未闡儒風然攷釋三禮卓

然經師則有家敬軒編修學綜倉雅校讎精博
則有方雪齋教授宗法雒閩通達吏事則有曾
復齋知縣采覽宏富練習掌故則有周樗奩選
貢咸有傳書足垂來學徒以求田僊士論聒於
泉神佑畢匠儒口敝於經義甌水卅里問原委
而終濟元豐九賢舉姓名而罔識遂使竹素塵
靈縹緗雲楸揚經覆瓿遺子駿之厥瘠范志蠟
車待劉昭而注補豈徒鱣波散海八艘同砥柱
之沈狼燧傳烽萬卷等江陵之盡水火之災爲
圖書之厄哉字克紆綬名藩殫心鄉學閔遺文

之就隊惜舊業之不昌薄書之暇不廢丹鉛舟
車所至輒增卷帙伏聞編寫罄側理之千番叢
笈精刊富殺青之萬簡詒諒仰承庭誥博訪奇
觚爰竭愚蒙略爲臆理隙枯義旨放中壘別錄
之規集楮杼止岵秀水經攷之例爲溫州經籍
志卅六卷觀以廣業甄微拾遺補藝復以見聞
所域掇采未宏廼馳尺素之書冀代一轂之藉
廣徵祕度助戎苟搜僮求善賈願易以精鏐或
付窮官逆膳夫福帙庶幾絳州詩譜入永叔之
蒐羅汲冢紀年解征南之攷證延仁大雅鑿此

渴喪其有略解收臧未忘枝香龜絲委匹秘本長
扁蟬粉埋函瑋文半蝕幸論衡之未出徒珍
裏之書致酒誥之俄空終奪壁中之字非徒達
士所歎殆亦管賢之憾若此之流亦無譏焉瑞

安孫詒讓

吾鄉文獻二百年來倣佚殆盡無論宋元舊籍百不
存一卽前明及國初諸老所著亦大半無傳其幸而
存者多係舊稟秘鈔單本孤行最易湮隊史數百載
恐益無從采緝甚可惜也茲欲廣爲蒐羅以鈎沈補
逸凡遇先哲著述片紙隻字罔不收拾諸家儻有儲

增補通志卷一
臧不論時代遠近卷帙多寡均祈惠示俾得鈔捃福
本甄其精要校梓以廣流傳

郡邑志為文獻所梓所係最重非精通輿地之學及
深究著述體裁者不足副脩纂之選近代地志多由
官修監定出於俗吏編集付之文士開局斂費剋期
成書於古志義例及郡邑掌故全不攷校故每一重
修必增無數訛繆蓋舊志之誤者彼既不能攷正而
編刻潦州則舊志所不誤者或展轉改易以歸於誤
俗士不能鑒別因其書後出以為必當精備勝前轉
相珍貴而鄙舊志為已陳之芻狗不亦慎乎吾鄉宋

元舊經既已無存近日通行各志惟道光樂清志咸

豐永嘉志彙

知縣谷進湯成烈所修屬彙未竣而湯量移遂擬不修原彙載永嘉使以今家

有傳鈔本尚為周雅次則乾隆平陽志嘉慶瑞安志亦畧

有根據然均不免誤舛餘若康熙乾隆兩府志雍正

泰順志玉環志並訛繆百出俗匠可嗤不足備士訓

之典非得舊志校覈無從正敝齋所藏惟有明王

季宣萬厯府志斟酌訂訛頗多宏益此外前明及國

初各舊志多未得見諸家所藏僅有志乘舊帙在通

行各本之前者無論全缺均希惠示傳鈔以解攷證

家藏祕籍如不惜公諸同好允借鈔福本者望先特

書名卷數及撰人姓名寫示如果係敝齋所無卽當
專差安人走借竝寫校完竣仍專人送繳以免遺失
其書借到時仍由敝齋寫與收字竝還書日取回以
明大信其有珍函瑋彙不冒遠借者卽當轉屬友人
就近傳錄或寄資請藏書主人就本家觀人謄繕均
無不可

諸家如臧有先哲遺著及郡縣舊志願以善價售出

者望先將其書全帙開注價目寄示

本裝多者不便
攜帶或先將書

名卷數及撰人姓名
開具清單寄示亦可

諷覽一過如果係佳帙卽當依

元開書直酌酬必不計較錙銖有傷雅道

若書之士
固肯善為

儲藏僕其自揣不能珍守則不如早為售出俾書無
失其所管虞山毛氏汲古閣藏書最盛主人毛鳳苞
晉及其子晉季康竝精警校後其家中落斧季以所
藏精本售與潘稼堂檢討開列一目注價直以寄之
後來崇城家展轉傳珍為秘玩吳門黃氏所刻汲
古秘本書目是也足徵藏書善寶終不失為雅人惟
能藏而不能讀又復心裏伎各秘不示人使前賢名
著銅閉匣中畧不檢荷鼠齧蟲蝕終歸缺佚其不能
守者則又弃置狼籍有同廢紙遂至婦女用夾
藏書兒童以易餅餌若此兩者斯為俗劣耳

敝齋所藏先哲遺書將二百種今將凡目寫列別紙
諸家所藏除本同者無庸校錄外儻有舊刻精鈔及
卷帙增多足補敝藏本之缺者仍希惠借以資校覈
樞李曹券固浴有流通古書約因秘弄珍函多憚於
遠借議令儲藏家各以書目相示出所藏本自付校

寫以其所有易其所無既使古書多孳福逆而家藏
底本亦無借出汗損之患此最爲善法今可略放其
意同志諸友僅有代鈔遺籍欲求敝齋所藏它書爲
易者卽希函示應鈔何書當覘脊精寫奉寄互換卷
帙多寡蓋所不計務使先賢遺著多孳一本於天壤
間卽可多傳數十百年者古之士亮同斯願也

敝齋所收先哲遺書無論書之優劣本之完缺均廣
爲采輯以備參證諸家所藏古籍佳本固以先睹爲
快卽有義例疏外文義不甚雅馴及時零殘本首尾
不完者亦均希忠示勿以小疵而廢科舉之儒珍其
故帚於是有時

文試帖之刻此不足以為學也懷簿之士好行小慧於是於是有傳奇曲劇之作此不足以為書也今之徵訪雖復雅俗兼收惟此兩門無勞見示至詞為梨府之支流與南北曲迥殊儻有傳集不在擯弃之列

代鈔遺書必當一遵舊本不可妄為刪易吾鄉人校

刻先哲遺集每喜奮肌更張自詡編訂如慕橋林氏

所刻陳止齋集變換面目無復舊觀又喜肌增闕字

如第三十六卷荅朱子書

此正德乙丑王文定公瓚所刻本卷弟林氏重編本

改入文集

卷中簫勺羣慝四字本出漢書禮樂志安世

房中歌正德本缺一簫字而勺字則不誤

黎靖德所編朱子語

勺羣慝

此書正作簫

林氏不解妄以意為補綴改為

消鑠羣慝文義雖通而已失止齋之意矣

此類甚多畧舉一尚

其概此外如唐傳鈔所刻王梅谿集謬妄尤甚刻書
若此誠不若其無刻也管邗子才云日思誤書更是
一適蓋能讀古書者不患其不能知誤字惟患讀書
不多而專輒刊定使元本不誤者因妄改而致誤又
使後人無從尋其誤奪之迹雖有善讀書者亦無如
之何矣敝齋所刊古籍皆博求精本讎覈數四不敢
輕有增易凡我同志相助校錄請亦以凡改凡增縣
為厲禁卽繆盭顯然亦悉仍其舊度一滌曩時妄改
古書之陋習

書前後序跋及卷端標題行款書中跳
行空格諸處亦有闕考證均當一併寫

實不可
移易

私家譜牒纂攷不精類多攀附名賢虛張官闕不足
徵信然前代舊本亦閒有佳製苟能精校博攷自可
真偽較然吾鄉故家華胄舊謀流傳僅有詩文志狀
諸作足補志乘之闕者亦祈無吝寫示俾廣甄擇

儲臧大家分處郡邑一版之僭郵寄維難且書帙珍
重恐所託匪人不無乾沒汙損之慮今謹就同郡各
邑之中廣託同志良友代為搜訪僅有見示書件卽
可託之轉寄永嘉則徐芷生文學識樂清則傅省三

傳

永嘉人今授
往樂清白鷺映

平陽則楊仲漁

鏡

徐崧

引之

泰順則林亨甫用霖同邑則林祁生慶衍竝脩學好

古諷緝不券與 詒讓雅有同好至 詒讓隨侍官齋遠

在江左書付寄到則並生文及舍弟翼齋 詒燕均可

代爲收杼分別校錄謹此奉啟大雅閱達幸垂鑒焉

改紅封爲櫃完以其羨餘充學款議

吾邑紅封名目始於咸豐初年其時紳富病官火之
浮收錢糧相與喫求其減除執持有故官吏不能爭
也於是官紳協商設此名目以調停其事謂之自封
投櫃然而其交納有恆戶綜計城鄉不過數十家餘
皆不得與質而言之則少數紳富之特別利益而已
近者學界同人因經費支絀議商之紅封各戶一律
照民間櫃完價完納提櫃價之贏羨以助學款前者
集議數次未能決定謹就不佞管見所及爲紳學界
諸君陳之

時局之沾危教育之不可以已諸君聞之檢矣學務經費之不足固紳富所宜籌措而擔任者也今之紅封戶固皆紳富之領袖其父老多學界任事之人其子弟多學校肄業之生以責任論固有不宣執咎首此其應提者一

紅封爲數十家之利益而櫃完爲閭邑之通例今日文明世界本不宜有此階級中間不立憲自治則已倘其立憲自治則此等不平等之例必宜削除此其應提者二

紅封之改照櫃價每兩不過加六百餘文吾邑極大

富戶每年所任不過數十千費輕易任況通邑小戶
均是權完而謂大戶不能其誰信之此其應提者三
樂清之自封與吾邑之紅封事同一律前年業已由
紳富自請照權完提充學費毫無反對而吾邑顧斷
斷不已彼此對照能無媿色此其應提者四

難者曰學費宜全邑擔任不宜專責之紅封戶此其
論是也外國教育之費本取之地方稅而國家爲之
補助試問今日中國時勢做獨度支窘乏國家無補
助之款即地方稅一節亦非政府大力量不能猝舉
前年同人嘗稟請隨糧帶收學務經費每兩加捐大錢

一百文奉張中丞批以跡近加賤不行則其窒碍不能辦已可概見今日惟有就此紅封一項先開其端一則紳富大戶宜為地方之倡二則五十年來大戶所享利益不少尤宜首先樂助三則照櫃價完不過與齊民平等並非格外虧損此其無可難者一也

難者又曰咸豐間勅議者出全力與官吏抗爭始得有此紅封名目今改同櫃完則紅封名目將消滅不保此尤可笑之論也世事逐漸改良即井田封建三代聖王之大法科舉考試隋唐以來數千年之常制亦將盡行更易宜區區瑞安紅封之名必當斤斤保

持與之終古乎且諸君之意將謂不提學費不照櫃
完紅封之名目竟可永遠不朽乎今日中國時局之
危淪胥之痛已在目前能自立則舊日不平等之法
制必一切更張無餘不能自立則國家且無永遠安
全之希望而謂紅封名目可以億萬年永保爰及苗
裔諸君清夜自思應亦啞然失笑矣此其無可難者

二

難者又曰前日勅立紅封諸君本以自封投櫃去勒
折之弊今一律改回櫃完則與初意相刺謬此亦似
是而不然者也櫃完折價雖不無浮羨然今日官吏

貧乏恃平餘陋規以自給無此則官事一切不能辦
榷完之備固社會所默認者也況今日下戶糶價有
倍蓰於榷完者彼方求照榷完而不可得此乃并榷
完而靳之亦不平等之一大端也且紅封之照榷完
尤有與平民不同者累戶榷完餘羨之利官與史擅
之而提紅封以充學費則其餘羨盡歸之學界以謀
公益官吏毫杪無所私焉其不為助官吏以復收勒
折之弊亦較然著明矣此其無可難者三

難者又曰議提紅封倘強以實行則不能無拖欠之
弊將照例嚴追乎抑置之不議乎此亦自有正當之

理非不易解決者也。蓋踐土食毛各有擔荷。賒稅之義。務紳富而欠錢糧。必不能爲庇護。亦理律之無可通融者。自封投櫃初定之例。本係每年二月初旬一律繳清。故得此優先之權利。蓋遲尚不合例。何況於欠近來各戶。竟有年終始繳。或竟全欠不繳者。此乃自失其紳富資格。自應照例催追紅封羨餘。既由公認撥作學費。則亦與官糧無異。不得獨立於法律之外。此事爲政界一問題。本不在所議範圍之內。因有論及此者。故解決之。此其無可難者。四。

不佞亦紅封戶之一。此事應聽公決。本無強衆必

從之權力前次集議因病未與感衆論之不一惜
公理之未明輒就管見所及舉此八條以質高明
倘有未洽敬請詳細駁難庶可折衷至當以釋羣
疑

六十辭壽啓

敬啓者頃聞向里諸戚友猥以不佞六十生辰議循俗例致賀私衷惶愧無地夫生日之有受賀非古也而以孤露餘生稱觴志慶尤爲非禮顧亭林先生已痛斥之矣竊以世變岌危旣非吾輩酹飲爲樂之時况衰年多病索居匙懼每念人生有涯彭殤同盡卽令幸躋耄期亦復何足誇炫何況未及中壽祝延之典更非所敢當諸君子強欲袞飾頑鈍而上違古禮下乖素心諒亦非賢者之所樂也藉令勉領盛貺則設筵酬答禮不容闕封羊擊豕饌具宜豐不佞中年

以後略涉梵典頗信質點不滅則性識永存佛說無
始以來歷劫流轉一切眾生皆嘗爲親屬屠宰烹炙
之慘實爲忍心害理故平日非大賓祭不敢特殺今
以賤辰一日之娛而造萬劫無量之孽是亦不可已
乎今謹先期廣告恭申謝悃屆期燭幃禮物概不敢
領寒舍亦無筵宴卽湯餅亦復不具

古生日有湯餅
即今之湯麵張

仲景金匱要略有索餅
即今索麵是其證也

惟略備筵資墨銀一百元寄

上海中外日報館移充義賑冀爲諸君造福藉答雅
意疏簡之墜伏希原恕大雅閱達幸垂鑒焉

揚齋詩詞

瑞安孫詒讓著

邑後學楊

嘉音輯

陳準校補

青田端木太在正廷試卷臨黃庭經敬題絕句
柔象澀楸寫黃庭晉帖唐樵見典型雲黯枯蒼仙窟
去叟無人賤定香亭

題焦山定陶鼎拓本

陶陵祭器尚派傳大禮尊崇滋議苒丁傳翦除元后
寺宗彝零落二千年

題吉日癸巳石刻二首

崑崙西母事散茫黃竹歌成已老荒不有騷騷千里
足祇愁徐偃是真王

銘瑒奔山迹已蕪空巖馬銜費傳樞汲中一卷游行
傳校得殷周六麻無

鶴亭孝廉呂新菴宜子孫竟拓本寄贈既為小
跋奉求董正意有未盡復成二律

罔樂古明月脫冶二千年罔窳對鹿斛珠文證大泉
辟雍修學後鄙邑中興前破涕誦奇語吾將事舊田
西都興廢事照徹一箇虛涑齊參周紀編元續漢餘
鏤文刀錯似拓影瓦當如奇文定誰作元亭僅察書

送郭淑霞入湘調查塘務

塘學榛蕪五百年，奇書蟬蠹地員篇。
越山金錫稱天府，可有吳王解鑄錢。

抗右於今遍五洲，何人曲突有深謀。
無窮地寶長扁鑄，空費司農仰屋籌。

兄弟君家各振奇，崢嶸棗葉照華楸。
穉穉康燉窳消長，日誰識雄心在救時。

酋行飽看楚山青，萬里江流接洞庭。
此去布帆定安穩，蓮牕細讀卅人經。

題埃及石刻拓本

升斧岫巖紛售偽黔傲紅崖亦渺茫誰識自航琛賈
外一奉古石見鴻荒

十誠摩醯箬錄初西來景誇此權輿沮倉字例重瀛
隔猶有佞虛列體書

朝日隆儀亞甲傳撒根古記五千年奇文佚禮煩甄
攷遠在羲和柳谷前

題楊浦邨明經世環靜觀圖

太息時艱笑獨醒新書喜對髣毛青臨安樹北尋陳
起定有吟聲續四靈

題大嶺閣品茶圖

圖譜宣和最絕倫中興畫院更紛綸李劉馬夏煩參
證竒迹於今比鳳麟德壽春深曲宴成龍圍宣賜味
逾清行都樂事歸圖畫凍酪淒涼五國城北雁南飛
下越山殘縑從此落人間收臧攜李東南冠押角頰
泥人絹般陸經妙品校簪精東海圖書富百城愧我
口評殘未讀珍圖到眼不知名補

題趙飛燕玉印拓本

繆篆詰屈如游絲回文宛轉長相思千年瑤鈕土花
蝕想見華袿入侍時姊妹當年隨豹尾昭陽椒殿凌
霄起承恩謝表寫綢繆押角頰泥血濡紫避風臺圯

秋蕭槭外傳蛛絲空度閣苔華何日落人間印紙腥
痕尚斑駁漢苑枯桐落并幹更無燕子啄皇孫未決
珪璽沈刊角勝此驚肋淘手寒

題董臨袂帖

此碑南拓久分畧嫡冢終當屬二王能向襄仁求法
乳莫將婆媚薄香光

自題變法條議遂

六典周官炳揭繁輜軒絕域愛蒐書中西政法元同
貫始信荆公太濶疑

太平經國細推詳王道由來足富彊重見始元議鹽

鐵管年星依幾取良自注戊戌取持謀者多舉制

右錄中丞翟子久尚書薦夫廟名其列陳尚未識而蓋學之卿人某也

缺舟督論四儒冠急就奇觚屬艸難自注某君素稿甚急迫啟門句

日成此州篇愧不能精前也縱是屈平能制法卻愁騰怨到椒蘭

百年禮樂未嫌遲微管經綸亟救肯周室成均漢衛

彈承平治從此黃茲自注受法條日錄影要當以學爲根漢警察次之蓋學堂儲

立法之村且開守櫛者之蒙固警察則使法之必行而祛積弊无此而徒議變法無益也

鄙獄紛紛士氣傷秋茶禁網到文章蘭陵祭酒殿門

久猶有新書法後王

繇鮑孫通世所宗議郎博士自雍容中興事業由圖

識作奏何勞屬葛龔

牛貫姑榆戰效宗

自注牛貫姑榆見秋官壺涿氏累
效十字與彼相類益中西大方術

家皆有之漫天飛檣苦逆筭殺機金火終當盡要看潛電

起整龍

自注火器之烈於今已極於天昔人事必
有廢絀之日其在電學發散黃種將興之際

乎此見如是
書以為券

東西瀛海匝圓球行見隆平接威周中外文明儻同

軌豈迂闊侈說齊鄒

自注光緒辛丑天子將受法自
強廣求眾議友人屬為其稿延

臣周禮為綱西法為目成此冊為陳古劉今與此
字篇者之口與詰經屬文誦創不能強同偶好此副

遂示家塾子弟甄題八絕句用代
跋尾尚陽後五日籍齋居士書

新羅山人龍標圖維揚馬氏故物也叔方姻丈

頃從永嘉故家得之遂爲所藏書畫之冠承
示屬題謹成小詩藉志眼福并求誨正

乾嘉替承平禹災富淮左
韜緝甲東南大農資轉輾
人物競昌丰文儒蔚風雅
就中數甲族尤推扶風馬
第从盛文藻園林洗塵塚
雅興題華襟鵬詠騰瑤學
高閣玉玲瓏萬卷恣遊寫
獻書滿秘籙冰遜頌鏤餘
輝被牛木奇竒亦雲髯
老樛化臥龍散作花萬朵
鱗而奮欲飛風霜幾揚簸
孫枝多橫斜菊出尤婀娜
新羅老畫師吮豪無罅裸
十尺裁吳綃濡頰快揮灑
爲襟傳喜神香痕迷真假
鉛素諸名賢題詠紛燦瑛
妙

墨各瓊敷道篇競珠瀉何年落人間逝景皆石火葉
君雅著古鑒藏威枌榆玉蹀塵米船璇題富妙竒古
緣欣駢萃眼福忽到我把燭讀題詞幾忘絳蠟炷思
古心欲狂說竒口屢嗚督賢逸難攀紛紛幾來者願
君永護持虹光照廡房縣此狺屏間真龍僮來下

周伯龍妹倩以明隆莖兵科給事素園李公遺

印見示作詩紀之

赤符季運遘陽九天挈黃圖付神后江東攤立何紛
紛南下天戈真拉朽吳瀕越蹈无完塘閩海旆樞尚
嶠負卻開窮海作行都詔版飛馳口除授李公中韓

葛諫臣讜議常年勳旒龍孫瑣尾尚優賢強起家
園縮朱紱行營州報口籌兵何止金章爛縣肘東山
未起時事非青蓋息息又南狩堅城彈指失汀洲係
組孱王馬前走冥鴻迅此老雲靈蹟有寒銅付傳守
自進玉璽歸真人斗憲遽遠幾章節故家珍度尚依
然鈔銳精光寒燭斗大節本无二姓羞貞金合有千
年壽周郎持示劇驚詫繆篆屈蟠雜蟲叫頓泥露落
餘月殷懃鏤研學發深黝科臣銜秩繫御營圖志荒
謠尋繩糾印文六字曰御營兵科問防舊圖經李公傳並不載陸遜問有兵科之除此可以補
其紀年猶似陸遜元大統頌正龍集酉背文右銘陸遜元年十一

明日八字即甲中口羊誤書勞儼勘想見倉皇付錫

明止之口口也子背文左銀御營兵科闕防行在禮造造二行十一

字私下奪一部字而誤重一造字蓋口口口口案
恨想見闕都淪陷三百年社屋鼎遷復何有素園秋
草不勝愁誰把遺闌問口口姓窗榷拓萃古歡壇蠟

丁丁梅印藪吉金銘識世所希長護瓊文儼尊貞

叔方姻大以陽明先生書簡真跡見示俗冗豪

集未遑致証敬題小詩以志欽慕竝求誨正

舊見鐵冶亭尚書刊入帖內有陽明矯亭說

石間在京師庚子兵燹不索尚存否故附及

之

冶亭人帖劫餘灰短札猶覘救世才莫作尋常名蹟
論願將學業補南雷

荃俠文儒邁等倫象山宗派得傳薪救時啟管空睇
慕畢竟英雄是學人

買波塘

題洪海籌甌江詒別圖

憶丁年雪山盤馬河源曾採星宿歌鏡新入陽關道
燕領錦衣如許攜手處泛一葉滄波渺渺同飛渡成兩

南岬與君
同渡海

珂鄉小住恰駕夢方濃驪歌忽唱相送又

南浦天涯路惆悵江雲擁樹臨歧猶作豪語懸知

眉騰春山遠添身別離情緒珍重祝看轉瞬黃金肘
後早來近取莫任香衾負輝華組燈花喜報料理七

香車

宿祝依宋
史謝詞韻

蘇甚慢

題岳忠憲玉印鈐本後

小截鵝肪微含猩帶手澤摩挲猶馥中原傳檄北伐

哦詩此印幾回鈐角南渡百年太學經殘

紹興間詔
以忠憲故

宅為太學御書石經見
潘說友咸淳臨安志

故宮艸綠歎紹興傳壘飄零

番此冷澹盈旬天付與光映仙兔飛來靈鵲健羨

賢侯清福幢笈劇治琴鶴同携想見斗牛虹燭何日

重逢錦綬添花新符分竹更細樵蠟扁入金陀舊錄

題硯

紫泥孕質碧玉駢枝虚心介節君子是師補